

IACOBI FABRI STA.

PVLENSIS, THEOLOGI CELEBERRIMI, COM-
MENTARII IN EPISTO-
LAS CATHOLICAS,

Iacobi	I.
Petri	II.
Ioannis	III.
Iudæ	I.

Nunc primum ab autore emissi & æditi.



BASILEAE, APVD AND. CRATANDRVM,
AN. M. D. XXVII. MENSE AVGVSTO.

Cum gratia & priuilegio Cæsareo.

ANDREAS CRATANDER LECTORI
FELICITATEM.

Vide candide lector, quàm strenue operam nauemus, ut semper aliquid nouarum lucubrationum, non quorumcunqꝫ, sed optimorū duntaxat autorum, habeas. Porro sunt quibus maxime placet quicquid ante aliquot secula natum est: neque iniuria: quoniam & nos sanctam uetustatem ita ueneramur, ut multis sudoribus, magnoqꝫ sumptu, antiquissimos utriusqꝫ linguæ scriptores, à situ & internitione uindicare studeamus: id quod iandiu officina nostra satis superqꝫ testata est: & mox diui Cyrilli Alexandrini operibus proculdubio testabitur: quæ insigni accessione locupletata, & iuxta probæ fidei Græcos codices ex uarijs bibliothecis uix tandem adeptos, tralata atque emendata, bonis aui- bus prodibunt. Verum, non incommodū interim uidetur, recentiores & doctos, & pios tibi exhibuisse, quorum è numero nō postremus est **IACOBVS** Faber Stapulensis, theologus eximius, homo non minore uitæ integritate spectatissimus, quàm linguarum cognitione, & omniūgæ disciplinæ peritia ornatissimus. Cuius dotes maiores sunt, quàm ut hic à me possint recenseri. Commentarios igitur tanti uiri, in epistolas, quas Canonicas uocant, legere, quisquis es, qui sacras literas amas, non pigeat: neque, scio, te facti poenitebit. Vale.